

畿

輔

安

瀾

志

畿輔安瀾志

滹沱河卷三

隄防

滾水石堤龍塘堤在平山縣西北冶河隄也今廢

舊真定府志冶河故道自平山縣西北河內改脩
滾水石隄下脩龍塘隄

正定府護城隄在府城西南明萬厯三十六年知府

王國楠增築

謹案明實錄宣宗宣德六年七月巡按章聰言正定舊有護城隄宜令脩築

本朝加脩

謹案正定縣白店村民隄一道長五百四十二丈

斜角頭隄一道自斜角頭村北起至小楊家莊西

止長一千一百三十五丈乾隆三四年間濫沱河

衝陷隄尾一百六十六丈又回水隄一道自小楊

家莊西起至木廠村南止長一千三百八十六丈

曹馬口隄在正定府宋元明舊隄也

方輿紀要金大定八年決真定隄外十七年決郡
西白馬岡元延祐以後屢屢脩築爲患未已隄防
考府西滹沱河北舊有曹馬口隄長三十餘里以
護城垣宋天聖間隄壞尋復脩築明成化十三年
守臣田濟於舊河數里外鑿新河十餘里築隄以
禦舊河之水復於新河北築隄長四千餘丈公私

攸賴

詳修
治卷

謹案舊真定府志曹馬口一名白馬口明實錄永

樂宏治俱脩滹沱白馬口蓋明初始有事於滹沱
河隄至憲宗時田濟又增築之孝宗朝亦循其舊
跡而加之功也

月牙隄卽永賴隄在藁城縣城外順治二年知縣許
宏祚以太寧門外西北隅滹沱上流直衝西關因東
接城隄曲折而西南築隄二里形類新月名月牙隄
康熙三十一年知縣賴于宣增築又名永賴隄

廣陽隄在藁城縣滹沱河南岸起漂里村至大廣陽

村長一百七十丈乾隆五十年漳水南徙隄身冲刷成河

晉州護城隄

晉州志正德辛未知州王用賢築周圍七里有奇萬曆三十七年大水次年知州屈受善脩隄障之謹案今滹沱河北韓莊等村土埝一道長一千五百二十丈西頭北連小埝又西趙莊村西小埝又南周頭村北土埝長一千三百四十丈乾隆二十

年修築

長隄

二統志在冀州西北抵寧晉新河縣境長百三十里以防滹沱漳河之漲明成化間知州李德美築

冀州古隄

二統志在州城外四圍西與長隄相連高一丈五尺

衡水縣護城隄

二統志環縣城外高五丈基廣七尺上有垣又舊城隄環舊城而西南抵冀州綿亘三十餘里

防河隄

冀州志衡水縣東隄自冀州尚家莊起至縣屬夏家莊長八十五里西隄自縣屬康家莊起至武邑縣韓家莊長七十里

鹽河小隄在衡水縣東鹽河東岸由小隄村至郭家村止約長三十里

武邑縣護城隄

〔冀州志〕在縣西舊築以障水高丈餘自西南迤東
北長十餘里

護河隄

〔冀州志〕武邑縣東隄自衡水界孟家村起岔河村
北至武強縣界止長五十里西隄自衡水縣謝漳
村起至羅家莊北武強縣界止長五十里
武強縣古隄城外四面皆有隄高濶俱數丈

武強縣志古隄相傳爲宋楊延昭決水瀦河間築
邑東南舊隄當滹沱泛濫此爲要害今則滹沱徙
而清漳溢矣迺塞利害以時達變不可不察也

〔舊案〕滹沱河順治五年自上流入漳河道寬濶屢
經泛漲兩岸隄障自此而起今漳水東流而滹沱
獨行與作志時所言又異矣

郭龍窩口隄在獻縣明正統元年修築

詳修治

郭家口隄在獻縣

〔明實錄〕正統四年七月滹沱決獻縣郭家口隄

柳林口隄岸在獻縣

〔謹案〕獻縣河隄上接武強下達河間東西兩岸均於康熙三十九年動帑興築自臧家橋以上曰滹沱河隄屬清河道轄東岸長三十五里有奇西岸長三十七里有奇自臧家橋以下曰子牙河隄屬天津道轄東岸長四十一里有奇西岸長三十九里有奇

子牙河隄在河間縣兩岸上接獻縣下達大城

謹案西片康熙三十九年築長六十六里有奇東岸康熙四十七年民築長六十二里有奇

王淋口隄西起河間縣孔家務村歷大城縣之馬策桑杭郭莊十里堂貴村五臺白洋大流漂小店子李家莊傅家莊空城村張莊蓋益莊東與西支黑龍港河接屈曲回旋於二縣之境

大城縣志王淋口在縣南四十里萬厯間重修

本朝康熙間關同河間各修縣界隄工

沿河隄起自河間府接大城縣驀門村至三岔口接
文安縣善來營迤邐盤曲百餘里

謹案大城縣本境沿河護田隄岸馬村口至三岔
口共一萬三千四百二十丈協修隄岸霸州長屯
南蘇家口一百二十丈北蘇家口一百三十四丈
程家口五十五丈文安縣善來營六十丈武哥莊
三百一十三丈保定縣靳家嘴後隄一百一丈八

尺柏木橋注窩隄四百七十丈

欽隄自大城縣屬南遊莊起至縣屬王家口止計長三十八里

謹案子牙河

欽隄民埝康熙三十九年大修共長一千五百二十餘丈

廣福樓橫隄自大城縣小店村涵洞中界北起至廣福樓南青縣界止計長十里九分四釐乾隆五年築

謹案子牙新河自康熙三十九年於廣福樓西南
開挑引河分洩滹沱水勢始有此名其實卽黑龍
港下游也嗣以濁流積淤黑龍港本支漚水倒漾
乾隆五年築隄攔截廢新河之道今黑龍港專力
北趨

張洪橋隄子牙新河東岸自東隄頭接張洪橋隄北
至靜海縣東灘子頭長十七里有奇西岸自廣福樓
南起至靜海縣中灘子頭長十七里有奇

青縣古隄週城北西南三面

青縣東大隄守牙河正支卽滹沱河下游南自廣福樓村前接大城縣涵洞中界起北至小河村交大城縣界止長十里九分康熙三十九年築民歲修

子牙河東隄乾隆六年修築南自張洪橋起北至廣福樓道口止長二千五百一十四丈民歲修

滹沱河西岸月縷各隄乾隆五年修築共十六段南自後流來堂起北自戴家圈止長二千二百六十丈

又自第六鋪起接大城縣屬至王家場交天津縣屬
長三十六里乾隆十年建築民修其西岸上游並東
岸一帶俱民修築

子牙新河西岸長十七里民修

子牙正河東大隄自青縣小河村起北入大城縣界
自大城入靜海縣界逕閻兒莊北至大瓦子頭盡處
長三十七里六分附隄村莊係子牙鎮鄭兒莊大小
瓦子頭等處

謹案霸州等處子牙隄河康熙三十三年修濬所
有靜海大城雄縣任邱隄岸河道卽東隄也

子牙新河西隄南自中灘子頭起北至谷家莊止長
三十八里有奇民修附隄村莊係趙家莊于家莊西
溜馬杓小民莊梁頭谷家莊等處

子牙新河東隄南自東灘子頭起北至賈口止長三
十九里有奇民脩附隄村莊係南張家莊徐家莊南
南溜馬杓孫家莊李家莊張家莊羅家堂新莊東賈

口等處

賈口橫隄一道自東賈口起接新河東隄頭至王家營止長七里五分乾隆五年脩築禦老君泊諸處水勢老君泊上口兼受子牙分溜由閭兒莊石閘入蒲港窪至西賈口併黑龍港瀝水入之保護運河西岸王家營一帶村莊田廬

東支黑龍港河東岸隄埝乾隆五年脩築南自金家營起至張洪橋止長四千三百六丈四尺民歲脩其

上游並中西二支係疏洩積水各岸並無隄埝

子牙河格淀堤又名格淀大隄乾隆十年創建自大城縣莊兒頭起歷靜海縣抵天津縣西沽長八十四里又自文安縣三灘里起至格淀隄莊兒頭止接築新隄二千七百七十二丈乾隆三十二年增建當城以西爲子牙河通判管轄當城以東天津同知管轄兩旁河流以此爲界

詳修治

謹案格淀隄至臺頭西南而止乾隆三十二年

高宗純皇帝巡幸淀津臨視以莊兒頭至三灘里舊隄有闕
特命接築長隄障隔渾流不令入淀以防淤墊 又案乾隆

三十七年奏准子牙河格隄改爲疊道增設涵洞

嘉慶十三年

特命尚書德瑛劉權之查驗隄工天津縣楊柳青等村居
民請開涵洞勘明於該隄工段實屬非宜不允所
請可見河防水利卽涵洞一端宜宣宜節各有成
謀非悉心講畫未易得其要領也 尚書德瑛劉

權之奏畧天津縣境蝦蟆窪一帶格淀疊道計長五里有奇據天津道沈長春稟稱該處地極窪下而土性又不凝結且界在大清子牙兩河之間風水汕刷是以屢築屢冲今春該縣奉文勒限賠修彼時兩面皆係深水實屬無計施工迨後商用排椿葦草層層加壓保護隄根始克竣事而現在尙不免有蟄陷之處是以所修丈尺不能與原估相符此處工程若遇盛漲經臨力難保護等語臣等

詳閱該處工段計長九百三十餘丈察看隄根實
係排椿束草甫能護土成隄是修築誠非易易而
現在楊柳青等村居民等尚復具呈請開涵洞以
利民田臣等查該處兩面瀕河近隄地畝無多非
文安大城地方可比若值水落之際則南北兩面
涸出之地皆可種植若經盛漲之時兩面皆係積
水卽開設涵洞仍無消納之路該村民等不過欲
藉涵洞通一水道以圖小利貿易往還之利而於

該處工段實屬非宜是以臣等未經允准

獨流疊道係自津赴省往來大路舊有大橋一座涵洞三座乾隆八年添建七空橋一座因地勢窪下連年子牙河汎水漲發直注獨流鎮等處疊道時被衝刷乾隆二十五年添五空橋一座嘉慶十一年修築木橋四座

王二莊疊道一道自三禪坊起至子牙鎮長十二里有奇舊有疊道久被子牙河衝決乾隆十六年查辦

河淀水工築內修理旋被衝刷無存

大紅橋攔水壩在天津縣子牙河下口長十八丈嘉
慶十一年築

以上隄埝俱在滹沱河子牙河正流

紫城口隄

明實錄世宗嘉靖元年晉州紫城口隄成

東鹿縣護城隄

明實錄世宗嘉靖元年七月塞東鹿城滹沱西河

决口築護城隄 〔東鹿縣志〕明天啟二年滹沱河

决後巡撫張鳳翔相新圈頭市城之舊有趙堰隄

今廢

謹案呂柟脩城記役興四千作隄四城隄基皆廣十丈上廣六丈有五尺高丈有三尺長

二千一百丈有奇

謹案東鹿被水衝决縣城旣徙隄址亦廢今新城
惟西北南三面有隄而東則缺焉

南隄有四俱在東鹿縣南防鴉兒者曰趙埝紅花防
滹沱河者曰張岔口白蓮口

捍水隄

二統志在深州北三十五里歲久頽敗惟存二阜
巉然屹立俗呼爲紫金山乾隆十九年濬沱北徙
花盆村知州尹侃築隄禦之名曰深衡保障隄

三河隄在安平縣北二十里明嘉靖中知縣郭學書
築長三十餘里

城基土岸

平安縣志明嘉靖二十六年知縣沈同人週築土

岸六里萬歷二十三年河水浸城知縣沙璽又培
內基一週今廢

外隄

安平縣志外隄週圍八里明正德六年知縣王翊
建西南北三處各有門一座昔稱外城萬歷二十
二年滹水浸城知縣梅廷哲增築二十三年水大
發知縣沙璽增築

本朝康熙二十四年知縣陳宗石重修大隄增修北門

西隄

內隄

安平縣志內隄二層隄明崇禎十年知縣孔聞俊
增築修圍牆高八尺牆今廢

龍治河隄

冀州志北岸屬武強有隄南岸屬武邑無隄凡遇
水漲獨受其害雍正十二年知縣張藻詳准築隄
長一千五百丈沿河一斗比曠分修

謹案境內龍治河有隄岸長三十五里乾隆二十

五年三月奏請興工代賑粘補完固

恭儉岸醜女隄

二隄岸未知所有

明史河渠志永樂十年築獻縣饒陽恭儉等隄

明實錄英宗正統四年七月久雨滹沱水決饒陽

醜女隄

長城隄在饒陽縣南二十里西連光武城

柏林隄在饒陽縣北五里又北小隄在縣西十五里

繞城西北與柏林隄相連

饒陽護城隄

〔饒陽縣志〕護城隄周八里明萬歷二年知縣李守

真創築

金線嶺隄

〔饒陽縣志〕自深州紫金山

〔謹案〕此卽深州之捍水隄

逕魯口故

城東至張保等村入武強境土人名爲長城隄

〔謹案〕此隄所捍爲滹沱北流之水無疑以隄求之

可識滹沱未決以前故道並可爲白馬河由滹沱
故道開鑿之証

秦公隄在饒陽縣北高口村南明嘉靖間知縣秦世
顯築

河間隄在河間縣舊以障唐沙滋滹沱白溝之水自
西北來卽子牙河黑龍港河之基址也

詳修治

任邱東隄

明史河渠志萬歷十年四月築河間府任邱縣東

隄自滿堂村至呂公堡二十里以滹沱水患從撫
按辛自脩敖鯤所請也

大城文安界古隄

天城縣志自本境迷隄村接文安縣境韓村低昂
斷續五十里或云長城隄或云護城隄疑是趙武
靈王所脩非秦之長城也 文安縣志在邑東南
自天德東北逕韓村艾子之南接大城縣之周北
王文樓底村延袤幾百里一名寸金隄韓村有元

勅建法雲寺碑陰曰寸金隄畔古佛堂一名長城隄

大隄

〔文安縣志〕元延祐四年吳令質疏河築堰明隆慶五年史令天祐創脩大隄自西南王東村起而北而東又東南至王李墳止延袤百五十里萬厯四年王令湘沿隄栽柳十一年官令沿澤議脩隄分

工

本朝順治十二年韓令文領帑築隄 又分工條議自

大注窩起至王李墳止霸州雄縣保定大城文安
分築立有章程豎有碑碣分脩已久後自遙隄再
建雄縣遂弗共事以雄縣王村口史哥莊在遙隄
外也實在四邑按段分工霸州三段一段自蘇橋
西頭起至羊耳窩止長二百三十二弓一段自太
保莊西頭起至藥王廟前止長六百弓一段自藥
王廟前起至保定界牌止長二百六十四弓保定縣

七段一段自界牌起至十里堂止長六百四十二
弓一段自鹿疇起至北疇止長六百七十五弓一
段自劉家莊起至北門止長二百九十弓一段自
西關起至西壇止長八十二弓一段自擺渡口起
至靳家莊止長三百三十弓一段自姜家村起至
何家道口止長八百三十九弓一段自橫隄起至
上五哥莊止長二千四百二十五弓大城縣六段
一段自善來營起至張家里十里隄止長一百二

十弓一段自張家里隄起至下五哥莊止長六百
二十三弓一段自北疇起至劉家莊止長二百八
弓一段自西疇起至擺渡口止長四十三弓一段
自靳家莊起至姜家村止長一百九十弓一段自
何家口起至橫隄止長一百六十九弓文安縣九
段一段自土東起至新隄頭保定隄界止長四千
九百五十五弓安祖里村花里修一段自鹿疇起
至十王堂廟前止長一千三百三十弓豐臺里脩

一段自太保莊起至善來營大城隄界止長二千一百五十三弓廣陵里急流里修一段自善來營起至蕪橋西霸州隄止長一千九百四十弓張家里寇旱里脩一段自蘇橋起至堂頭止長三千九百八十三弓留郡里澹岡里大趙里曲隄里修一段自堂頭起至艾窩止長七千九百六十三弓京頭里柳河里蘇家里堂頭里勝芳里辛留里石溝里脩一段自艾窩起至王李墳止長八千五百五

十三弓豐邑屯豐富屯豐厚屯廣濟屯保安屯貢
甫里司邱里小保里艾窩里淀莊里潘平里德歸
里寧受屯土橋里共十四里屯修一段羊耳窩隄
長四百弓急流棖家淀阜留郡京頭柳河蘇橋堂
頭勝芳黃甫司邱石溝艾窩淀莊德歸辛留土橋
共十七屯寄莊修一段口頭藥王廟隄長一百三
十弓安祖村花豐臺廣陵寧受豐富豐益豐厚廣
濟保安共十里屯寄莊修總計四邑分修共同護

田隄一道計長一百二十里內分民隄一段自雄
縣王東村起至保定縣界隄止長二千八百九十
七丈五尺內分

欽隄一道自保定縣界內何家道口起至柴溝村王李
墳大城縣隄界止長一萬二千七百四十丈一尺
月隄在文安縣

〔文安縣志〕明萬曆四十二年崔令儒秀議月隄起
注窩東行至圍河保定南劉塞北過西營抵蘇橋

之上以東築新隄自防偕大城梁令綱保定田令
龍斟酌前議自白家道口起至上五哥莊築遙隄
一道以防廖家黑牛等口之衝長八里文安修五
分保定修二分大城修三分地坐保定旣無掣肘
之虞工責三縣又成臂指之勢 明霸州知州楊
澗申文查保定文安大城三縣居窪下之地恃隄
爲命長隄一百二十里西北獮水自琉璃等河入
於茅兒灣西南導水自滹沱河入於鹽河邇來渾

水南徙水患倍增於前而隄俱坍塌兼鄰封希隄
私便如雄縣於原分之工不惟不行協脩而反盜
決以圖注洩則三縣受上流之患矣靜海於順流
之勢不惟不加疏濬而反隄塞以事壅激則三縣
受下汎之患矣保文歷年原有之隄當仍其有不
可聽決也大城歷年原無之隄當仍其無不可聽
塞也仍之則彼此兩便經久可行

攔水壩在子牙河紅橋岔支引河東長九丈嘉慶十

一年築

以上堤埝俱在滹沱河子牙河故道支流

滹沱河堰在正定縣境

考今無

元史本紀泰定二年閏月己巳詔脩滹沱河堰

謹案趙文奎治河考治河自元時於平山縣東潰

嘉陽堰復入滹沱河爲正定西南之害今滹沱去

正定西南十二里所謂嘉陽堰者已無考所云疑

卽泰定所脩之堰也平山縣有嘉陽城在縣東十

八里卽春秋晉蒲邑堰蓋以此得名

堂村閘在正定縣西柏棠河上下流卽護城河均注
閘在正定縣東護城河上節宣東大道一支及林濟
河之水

響閘在正定縣治東南明萬歷四年建

鴨子嘴閘在正定縣響閘之北宣洩小入棠城之水
今廢

謹案明史河渠志有鴨河與唐沙滋並稱卽滹沱

之泛溢分流者豈卽以此得名耶舊有鴉兒河亦由晉州流入深州又豈以鴉字形聲訛爲鴨而鴉兒遂訛爲鴨子耶

只照河閘在藁城縣西北只照河上乾隆十年建

墩臺壩白龍邱壩貓兒壩在東鹿縣西北皆乾隆二十三年築以禦漳沱河決水

廣福樓涵洞一座在子牙河大隄上乾隆二年建於青縣界內廣福樓村前磚築疏消縣界小交河村窪

內積水引入河

廣福樓橫隄涵洞二座乾隆五年修建一屬大城縣
二屬青縣疏消大交河村馮兒莊等處積水

張洪橋隄涵洞三座在東支黑龍港河東岸輓築一
在金家營一在李豹莊乾隆五年建皆疏消十里窪
內積水引歸河

朱家窪滾水石壩石閘壩在靜海縣貓兒莊乾隆十
八年築閘在大城縣閻兒莊二空乾隆十九年築

小交河涵洞一座在大城縣小交河村後甌築乾隆
二十年建疏消隄西大城縣界內之楊家口西小河
村等處窪內積水北歸入大城界子牙支河

獨流格淀隄疊道涵洞五座在天津縣西

王家口壩康熙三十七年總河王新命請建

詳修治

杜各村閘在河間縣杜各村嘉慶五年間

折卸舊王藩南北二

閘石料
後建

橋渡

淳沱河橋在平山縣東北段柳鋪後河水衝塌無定

明嘉靖間知縣王貞吉廢橋置船知縣李從今復置

今廢

每年九月中民間自作小橋以濟

五龍橋在平山縣東北五里光祿巨流陡峻湍急橋

廢岸傾康熙十年知縣湯聘重修

主母仙橋在平山縣西四里許

孤山石橋在平山縣小孤山牛山廟前

覺山石橋在平山縣覺山寺今廢

中渡橋卽滹沱河橋一名廣濟橋在正定縣

譚憲方
輿紀要

作通濟橋非也又十六國春秋石勒從大道
滹沱河造浮橋亦中渡橋之類今不知其處

一統志舊在正定縣東南五里跨滹沱河上五代

晉開運三年契丹趨恒川晉杜威禦之至中渡橋

契丹焚橋而退胡三省曰州人津渡之所也其上

下流各有渡宋熙寧九年程昉於此創繫浮橋元

豐五年轉運副使周革易以板橋至四五月防河

卽拆去權川船渡今廣濟橋猶沿其制謹案宋史河渠志元

豐五年前河北轉運副使用周革言熙寧中程昞於真定用中渡創繫浮梁增費數倍旣非形勢控扼請歲八九月易以板橋至四五

月防河卽拆去權用渡船從之

潯水覆橋

舊真定府志在真定縣每歲冬修葺

新建橋

舊真定府志在真定南門外

蒲吾橋在真定縣蒲吾渠上渠廢橋無考

畿輔安瀾志

舊真定府志東南至水碾村改引河道一里蒲吾

橋西關河道一里

程同橋程章橋在滹沱合流處

見元史河渠志今無考

大石橋卽固營村橋在正定縣東固營村旺泉河上

與藁城縣接界又有小石橋在其東

木橋在藁城縣城北滹沱河上冬架春撤

通濟橋在晉州西南洲頭村滹沱河上冬架夏撤

〔謹案〕畿輔通志舊爲草橋崇禎六年改建晉州志

橋自明宏治乙卯冬搭夏拆相沿不廢隆慶間知縣趙翰因州搭橋以所屬之縣改撥協濟州人稱便崇禎六年知州顧伯騏易以板橋一勞永逸

本朝順治間河南徙橋亦移於州頭村仍名通濟

草橋在東鹿縣潯沱河故道

東鹿縣志邑治橋之通輿者有二東偏架木爲之曰草橋所以別西之爲石也其下乃潯沱河故道潯水一灣居人兩岸多植槐柳築屋焉

無閼橋

二統志在東鹿縣西南十五里 東鹿縣志在城西賢邱村南舊寨村北滹沱河經其下明萬厯二十七年舊寨村倉大使曹忭賢邱村耆老鄧守寸創建河流遷去橋廢

雙鳳橋在東鹿縣城南賈百戶村玉真觀前順治十八年鄉人李如瑜等創建今圯

太和橋免涉橋俱在東鹿縣城南智邱堡一在堡之

西門 在堡之北門順治四年鄉人趙允誠等創建
今衝沒

廣濟橋在東鹿縣城西木邱村堡東門明嘉靖三十
七年鄉人張自尚任可起重脩今淤沒

雙邱橋在東鹿縣圈頭滹沱河上達冀州今無

百尺橋在東鹿縣距舊城五十八里新城四十一里
距百尺莊一里

田村堡石橋在冀州南三十五里明萬曆三十七年

建

謹案州境內渚淦會流之上舊有小木橋八座相
去各七八里至八九里俱無名

衡水石橋在衡水西關明天順間建隆慶三年圯於
水知縣孫夢麟重脩即予橋在衡水縣西南十里
惠濟橋卽利濟橋在武強縣小範店屢建屢圯乾隆
二十四年重脩改今名架木高三丈六尺寬三丈一
尺長十八丈本身石岸凡十有三洞

廣濟橋在武強縣南二里

呂番橋在武強縣東三十里今廢

凡屯橋在獻縣滹沱河自谷沙村起至凡屯十五里
架木長十八丈寬二丈高三丈五尺雍正九年重修
賈莊橋去凡屯七里架木長十八丈寬二丈一尺高
三丈六尺明嘉靖二十六年建

八里莊橋去賈莊橋六里架木長十八丈寬二丈高
三丈四尺康熙四年修雍正十二年重建

臧家橋去八里莊橋十里架木長十八丈寬二丈一尺高二丈八尺明嘉靖十三年建

本朝順治十八年修康熙四十年重修

謹案獻縣志臧家橋卽縣北十

里之通濟橋又橋南建有二石馬頭路東有茶棚通濟橋有二一在縣北五十里一在縣北十里俱

明建後圮

邊馬橋在子牙河去臧家橋二十八里架木長十六丈寬二丈一尺高二丈五尺乾隆元年重建

沙河橋去邊馬橋四里架木長十四丈五尺寬二丈

一尺高二丈七尺康熙二十九年脩

謹案河間縣志沙河橋卽沙窩

橋又名沙窪橋九域志有沙窪寨河窪聲之訛也

龍化橋在河間縣

磁州志滏陽河一由臧家橋者六十里至河間縣之沙窩橋又六十里至龍化橋

謹案龍化今日龍華五代史梁臣楊師厚傳太祖擊趙以牽晉屯於龍化卽此 又案子牙河河間

縣境有橋五曰康寧橋沙河橋念祖橋張各莊橋

劉各莊橋舊有龍化橋在張各莊之北劉各莊之
南圯廢已久

白洋橋南趙扶橋姚家馬頭橋子牙鎮橋王家口橋
俱架木爲之在青縣及大城縣界

謹案大城縣志普濟橋在王家口明成化年建萬
厯四年脩卽王家口橋也在西黑龍港河上又有
油房馬閣二橋俱跨滹沱河上

小石橋在大城縣東南二十里賴二莊

沿河橋在大城縣白洋大路久廢

九空橋在王家河口于家橋在于家河俱在天津縣
乾隆十年建以木板爲之久廢

七空橋其東爲五空橋俱在天津縣獨流格淀隄疊
道上七空橋乾隆二十年知縣潘仙機建五空橋乾
隆二十五年知縣程霖建

子牙河跨河大橋在靜海縣境長十二丈四尺寬二
丈高一丈五尺

木橋四座在天津縣獨流格淀疊道上各長三丈寬一丈高六尺

謹案子牙河獨流上下舊有大小橋座久廢以上五橋皆嘉慶十一年修築十三年奏報工竣

命尚書德瑛劉權之驗看收工

大紅橋小紅橋在天津縣北子牙河會清河入海處以上各橋皆在滹沱河子牙河正流上

治河橋

平山縣志在縣西一里村民一歲葺治明嘉靖間知縣王貞吉創爲板橋冬建夏撤西岸橋房六間以貯木今仍之

衡水橋在靈壽縣東南木佛村

文興橋

〔靈壽縣志〕淤泥河有石橋一座名曰文興在縣東關外高一丈寬一丈二尺長三丈明嘉靖二十七年縣令羅華勸民修建有亭一座名曰來紫亭嘉

靖二十九年縣令崔連修建

雕橋

二統志在正定縣西十五里西韓河上 名勝志
橋下有穴十數狀如雕鑿泉湧不息環流於城故
名

劉陸橋在寧晉縣東十五里謙河上

西關橋在東鹿縣城西關外乾河上

劉志橋在饒陽縣南二十五里今廢

閻家口橋在饒陽縣東北十里

劉木關橋在饒陽縣東十三里今廢

呂漢河橋在饒陽縣城東十里知縣劉世祈建今廢

謹案縣志又有呂汧橋在城東十二里卽此橋重見

廣濟橋在饒陽縣南三十里曹村莊久圯

單家橋

方輿紀要在獻縣南十二里跨漳沱河上行旅通途也建文三年燕王敗平安等於單家橋宣德初

征高煦還駐蹕於此一名五節橋以正德間流寇亂五婦死節於此也 明御史秦家楫重修單橋記畧獻邑南去十里而近潯沱水出焉故有橋修而復壞莫可考也蓋水自西折而北又南匯而東橋跨其下游夏潦秋霖澎湃衝決則南隄先受其嚙是故橋之壞往往自南始正統成化間至煩疏請工部專官董役合一郡三衛之力始克就緒嘉靖屢壞乃謀之有司以權稅稍金復各出俸廩以

癸亥十月經始迄甲子四月告成凡醜水十有四
道南三道當水之深處則稍寬之以通舟木林立
水中高一丈五尺袤二百八十丈廣二十六丈上
厚幾一尺左右楯欄翼如南隄一帶則柵以巨材
隄之下植柳榆以障水勢南北各一坊北曰北上
神京南曰南通藩服榜曰柱史橋

謹案單家橋不知建始何年元史也速傳東昌賊
將北寇有詔命也速屯單家橋則元時已有之據

獻縣志屢圯屢脩舊本木橋崇禎壬申知縣李粹
白始捐募爲石橋南北長三十丈爲五大空四水
門在舊橋廢跡之西

大慈橋卽淮鎮橋明隆慶五年知府陳大賓建架木
長四十丈濶二丈十三空萬歷十年知縣張汝蘊脩

方輿紀要大慈橋在獻縣東五十里槐家鎮亦爲

東西孔道

舊案槐家鎮
卽今槐鎮

畿輔通志淮鎮橋在交

河縣東南

謹案大慈橋之下舊有河城高官二橋

張洪橋在青縣西十里

木門橋在青縣西南三十里

以上二橋俱在馬家橋河上卽東支黑龍港也

吳召橋在青縣南三十五里

謹案此橋在胡家店河上卽中文黑龍港也

舊鎮橋蓋益莊橋打虎莊橋乾隆十七年修又盤古

村橋皆架木爲之杜林鎮臨滹沱河街中百橋長十

五丈寬二丈高三丈明天啟五年建

謹案橋俱在青縣石橋亦名登

瀛橋一云天啓九年建青
縣志云在縣南七十里

通津橋在大城縣南

謹案明萬曆四十六年大城縣知縣梁綱申明水
患有云大城之南滹沱河諸水由河間轉入縣東
北會王家口三角淀經通津橋至天津入海今廢
大寧橋在文安縣曲隄店內

蘇家橋在文安縣北四十里

謹案方輿紀要蘇家橋在縣東二十里當往來之

孔道燕王自固安縣拒馬河駙師蘇家橋卽此文
安縣志以爲由老泉得名今橋已廢考蘇允明爲
文安主簿以脩禮書授秩未嘗赴縣也

橋兒窪橋柴溝水橋

縣東南有柴溝村

急水河橋

廢

腴項河

橋

廢

石槽河橋

縣東北有石槽村五橋俱見文安縣志

以上諸橋俱在滹沱河子牙河故道支流上

王母渡蓋村渡黃壁渡上呂渡俱在平山縣各設小

船一

賈北村渡在平山縣南冶河上設小船一

牛城村渡在靈壽縣滹沱河設船二皆係民渡

東垣渡在正定縣

[謹案]東垣趙故邑也渡以此得名五代史李存進
傳晉討張文禮於鎮州以存進爲招討使軍於東
垣渡東垣土惡柵不能就或以爲卽中渡據胡三
省註以中渡橋爲上下各有渡故此爲中渡則東
垣渡又烏知其不爲上下而爲中也

落凌口渡陳村渡高基口渡柳村鋪渡俱在正定縣西南

塌子口渡在正定縣東隅下通藁城縣又城南渡一無名

方輿紀要塌子口在藁城縣西三十五里滹沱河渡口也

謹案以上六渡秋末架木爲橋立夏乃撤皆民渡馬村渡在藁城縣東二十里西呂渡在縣東北十八

里郝莊渡在縣北八里四公渡在縣西北八里高莊
渡在縣西北十五里大張村渡在縣西北二十里皆
滹沱河渡也

逢壁渡

方輿紀要滹沱河自真定縣流入藁城縣境經故
九門城南爲逢壁渡唐天寶末李光弼自常山擊
史思明攔殺賊衆於逢壁卽此

謹案此卽只照河入滹河處也

趙馬村渡在東鹿縣西南

清水河渡

冀州志明成化十年建在州西北通京師正定臨
清知州李德美置官船二專司濟渡今廢

謹案冀州有義渡四舟在城西北野莊頭零臧口
范家莊東寺等四村

岡頭村渡龍店村渡趙橋村渡又名沿河渡俱在武
邑縣境

陳家渡在獻縣西南滹沱河津濟處

謹案畿輔通志河間府陳家口卽此渡也

驀門渡次化渡在大城縣又縣南十里爲十里灣渡
縣東南十五里爲白楊渡縣東爲姚家渡縣北爲臧
莊